

NË EMËR TË POPULLIT

GJYKATA THEMELORE GJILAN, DEGA NË NOVOBËRDË-

Departamenti i Përgjithshëm, përmes gjyqtarës Emine Salihu, me Bashkëpunëtorin Profesional Sulejman Rexhepi, në lëndën penale kundër të akuzuarit L.Z, nga Fsh..... për shkak të veprës penale Vjedhje Pylli ,nga neni 349 par.1 të KPRK-së, sipas aktakuzës së Prokurorisë Themelore në Gjilan- Departamenti i përgjithshëm PP.II-nr.1881/2020 të datës 10.11.2020, të cilën e përfaqëson prokurorja e shtetit Sllavica Popoviq, pas mbajtjes së shqyrtimit fillestar më datë 01.03.2021., në prezencë të palëve pot ë njëjtën ditë mori dhe shpalli këtë:

AKTGJYKIM

I pandehuri L.Z, pa pseodonim dhe emër të rrejshëm, nga i ati N..., dhe e ëma S, e lindur E, i lindur më dt.,(datëlindja u verifikua nga dokumenti i indetifikimit –letërnjoftimi ,e jo siq ceket në aktakuzë), në fsh. Ll,K,Novobërdë,ku edhe jeton, ka të kryer shkollën fillore, i martuar, babë i katër fëmijëve,i pa punë i gjendjes së varfër ekonomike,(shfrytzues i ndihmës sociale, dëshmi kartela e ndihmes sociale- Artanë me nr.te regj., nr.ID-se) shqipëtar, shtetas i Republikës së Kosovës , më parë i pa dënuar dhe nuk udhëhiqet procedurë për ndonjë vepër tjetër penale.

Është fajtor

Sepse ,

-Më datë 12.09.2020, rreth orës 16h, min, në territorin e fsh..... K,Novobërdës,në pronën shtetërore ,në vendin e quajtur 1. i H. –te A. e L. 1 i pandehuri,me qëllim të përfitimit të kundërligjshëm pasuror për vehte,vjedhur dru ,në atë mënyrë që me sharrë motorike ka prerë 82 copa dru të llojit bung , me diametër në cungë 8-10 cm ,në lartësi të drurit 9 cm ,me gjatësi prej 4m,me vëllim të përgjithshëm prej 2.30 m³,në këtë mënyrë i pandehuri me veprimet e veta të dëmtuarës APK-së në Novobërdë i ka shkaktuar dëm material në shumën prej 294.40 €.

-me çka ka kryer veprën penale,Vjedhje pylli ,nga neni 349 paragrafi 1,të KPRK-së

Andaj gjykata duke u bazuar në dispozitat e cituara ligjore ,nenin 4,38,39,46,47,48,49,69,70,71,72, si dhe nenin 365 të KPRK-së, dhe nenin 451 të KPPK-ës të akuzuarit,

E GJYKON

Për veprën penale të dispozitivit të akuzës me dënim me burgim në kohëzgjatje prej 4 muajve ,të cilin dënim i pandehuri nuk do ta vuaj nese në afat prej 1 viti nga dita kur aktgjykimi të bëhet i formës së prerë,nuk kryen ndonjë veper tjetër penale , në të kundërten gjykata do t'ia revokoj dënimin me kusht .

E dëmtuara APK-a,në Novobërdë për realizimin e kërkesës pasuroro-juridike udhëzohet në kontest të rregullt civil.

Obligohet i akuzuari t'i paguajë paushallin gjyqësor në shumë prej 25(njëzetë e pesë) Euro, si dhe në emër të harxhimeve procedurale shumë e përlllogaritur në llogarinë përfundimtare të kësaj gjykate, të gjitha këto në afat prej 15 ditëve nga dita e plotfuqishmërisë së këtij aktgjykimi.

Në konform të nenit 39 paragrafi 3 nënparagrafi 3.1 të Ligjit për kompenzimin e viktimave të krimit i pandehuri L. Z, obligohet të paguajë taksën në shumë prej 30 ero.

A r s y e t i m

Prokuroria Themelore në Gjilan, ka ngritur aktakuzën PP.II.nr.1881/2020 të datës 10.11.2020, ndaj të pandehurit L. Z, nga fsh..., K.Novoberde, për shkak të veprës Vjedhje pylli nga neni 349 par.1 të KPRK-së,

Prokurorja e shtetit Sllavica Popoviq, pas mbajtjes së shqyrtimit fillestar të datës 01.03.2021, deklaroj:Duke pasur parasysh se pranimi i fajsisë është i mbështetur me të gjitha provat e propozuara në aktakuzë ,jam e mendimit se janë plotsuar kushtet ligjore që gjykata në tërësi ta pranoj pranimin e fajsisë nga ana e të pandehurit L. Z.

I pandehuri L.Z, ka deklaruar : e kam kuptuar aktin akuzues që është lexuar nga ana e prokurorit të shtetit dhe e pranoj në tërësi veprën penale e cila më vëhet në barrë sipas dispozitivit të kësaj aktakuze dhe atë për çdo pikë të aktaakusës ,nga se këtë vepër penale e kam kryer në kohën ,vendin dhe mënyrën të përshkruar si në

dispozitiv të kësaj aktakuze , për të cilën vepër penale e kuptoj natyrën dhe pasojat e pranimin të fajit,pranimin e fajit e bëjë vullnetarisht,pa kurfare dhune dhe presioni dhe se aktakuza nuk përmban as një shkelje të qartë ligjore ose gabime teknike, ndiej keqardhje dhe pendohem shumë dhe i premtoj gjykatës se në të ardhmen nuk do të kryej vepër penale ose të natyrës së njëjtë nuk i kam ditur pasojat e kësaj veprë penale, lus gjykatën që të më shqiptoj një dënim sa më të butë dhe betohem para gjykatës se kjo do të jetë hera e parë dhe e fundit. Dua ta njoftoj gjykatën singërisht se këtë vepër penale e kam kryer vetëm për djegie dhe për ngrohjen e fëmijëve ,me që jetojm me ndihma sociale (të cilën kartelë gjykata ia bashkangjet shkresave të lëndës),nuk kam kurfare ndihmë tjetër.I kam katër fëmijë të mitur dhe nuk kam kah t'i mbaj .Po të më ipet mundsia dikund të punoj nuk do të zgjidhja as një punë vetëm e vetëm sa për ti mbajtur fëmijt e mi .Kërkoj nga gjykata që këto rrethana mundsisht ti ket parasysh gjatë shqyptimit të dënimit .

Pas dëgjimit të prokurores së shtetit dhe të akuzuarit, gjyqtarja e vetme gjykuese konstatoi se janë përmbushur të gjitha kushtet ligjore, nga neni 248 paragrafi 2 të KPP për pranimin e fajsisë, nga se i pandehuri e kupton natyrën dhe pasojat e pranimin të fajit, se pranimi është bërë vullnetarisht nga i pandehuri,pranimi mbështetet nga faktet e çështjes nga aktakuza e cila nuk përmban as një shkelje të qartë ligjore ose gabime faktike.

Andaj ,duke u bazuar në këtë që u cekën më lartë, gjykata e vërtetoi gjendjen faktike :

Se i pandehuri L. Z, nga fsh. ..., K.Novobërdë, e ka kryer veprën penale Vjedhje pylli nga neni 349 par.1 të KPRK-së,

Gjyqtarja e vetëme gjykuese, shpalli fajtor të pandehurin L.... Z., për veprën e cekur më lartë nga se veprimet e të njëjtit i përmbajnë të gjitha tiparet e kësaj veprë penale dhe se për të njëjtën është edhe përgjegjës penalisht.

Me rastin e matjes së dënimit të pandehurit gjykata ia ka marrë për bazë të gjitha rrethanat që ndikojnë në llojin dhe lartësinë e dënimit ,sipas nenit 73,të KPRK-së ku si rrethanë veçanarishtë lehtësuese gjykata e ka marrë për bazë faktin se i pandehuri e ka pranuar fajsinë, sjelljen korrekte në gjykatë ,ka shprehur keqëardhje për kryerjen e kësaj veprë , i gjendjes se varfer ekonomike, jeton me ndihma sociale, mbajtës i familjes, dhe katër fëmijëve të mitur, i pa punë, është penduar si dhe faktin se më parë nuk ka qenë e dënuar për ndonjë vepër tjetër penale. Ndërsa , nuk ka gjetur ndonjë rrethanë pasaqërisht rënduese.

Sipas bindjes së kësaj gjykate ,caktimi i dënimit ndaj të pandehurit L.Z, është dënim i drejtë, në harmoni me peshën e veprës penale dhe shkallën e përgjegjësisë

së të pandehurit, si dhe me këtë dënim do të mund të arrihet qëllimi i dënimit ,nga neni 41 të KPRK-së.

Vendimi mbi shpenzimet e procedurës penale si dhe paushallin gjyqësor është marrë në bazë të nenit 451 të KPRK-së.

Vendimi për kërkesën pasurore është marrë duke u bazuar në nenin 463 paragrafi 1.2 të KPPRK-së.

Nga të cekurat e më sipërme e në bazë të nenit 365 të KPPK-ës,u vendos si në dispozitiv të këtij aktgjykimi .

GJYKATA THEMELORE NË GJILAN ,DEGA NË NOVOBËRDË

Departamenti i përgjithshëm

P.nr.63/2020

Më:01.03.2021

Bashkëpunëtori Profesional

Gjyqtarja

Sulejman Rexhepi

Emine Salihu

KËSHILLA JURIDIKE :Kundër këtij aktgjykimi mund të paraqitet ankesë në gjykatën e Apelit në Prishtinë ,në afat prej 15 ditëve nga dita e pranimi të të njëjtit .Ankesa në kopje të mjaftueshme i dorëzohet kësaj gjykate.

